



Nr. 282

Utoqqalinermi pensionisialinnut 1. januar 2016-miit akit isertitatigullu killissarititat pillugit kaajallaasitaq.

Inatsisartut utoqqalinermi pensionisiat pillugit inatsisaat nr. 20, 23. november 2015 kingornalu §§ 11 aamma 13 toqqammavigalugit, utoqqalilluni pensionisialinnut akit isertitatigullu killiliussat 1. januar 2016-miit imatut aaqqiivigineqassapput:

§ 1. Utoqqalinermi pensionisiat toqqammavigisaa qaffasinnerpaaq imatut annertussuseqassaaq:

1) Utoqqalinermi pensionisiat toqqammavigisaa (Tabeli 1)

ukiumut	kr.	59.900
qaammammut	kr.	4.992

§ 2. Ukiumoortumik utoqqalinermi pensionisianut qaffasinnerpaap annertussusaa:

1) Utoqqalilluni pensionisiallip aappallip pensionisiaminut tapisiaa - (Tabeli 2)

ukiumut	kr.	41.300
qaammammut	kr.	3.442

2) Utoqqalilluni pensionisialimmut aappaarluni inooqateqartumut, aapparisaa pensionisiaqarsinnaanngitsoq. Aappariillutik ukiumut utoqqalinermi pensionisiat saniatigut 200.000 kr.-nit sinnernagit imaluunniit Nunani Avannarlerni Isumaginninnikkut sillimmasikkaniq pissarsisarsimanngitsunut (Tabeli 3)

ukiumut	kr.	74.300
qaammammut	kr.	6.192

3) Utoqqalinermit pensioniallip kisermaap pensionisiaminut tapisiaa (Tabeli 4)

Ukiumut	kr.	74.300
qaammammut	kr.	6.192

§ 3. Utoqqalinermi pensionisiat toqqammavii aaqqiivigineqartassapput nammineq isertitarisat toqqammavigalugit, ilanngunnagit nammineq pensionisiat imaluunniit Nunani Avannarlerni Isumaginninnikkut sillimmasiisarnikkut pisartakkat. Utoqqalinersianut tapisiat nammineq aammalu aappaqarsimappat taasumap saniatigut isertitarisimasai naapertorlugit taamaattorli siusinaartumik utoqqalinermilu pensionisiat aammalu Nunani Avannarlerni Isumaginninnikkut sillimmasiisarnermi Aalajangersakkatigut pissarsiarineqartartut ilanngunnagit.

Imm. 2. Isertitatigut aaqqiisarnert imatut isertitaqaraani allannguuteqalertarput:

1) Pensionisiat toqqammaviinut kr. 221.111 (Tabeli 1)

2) Aappariinnut pensionisiant tapit kr. 83.000 (Tabeli 2)

3) kr. 83.000-t utoqqalinermi pensionisianut tapit, pensionisiaqarsinnaanngitsumik aappalimmut, tamatumani pensinisiat aammalu Nunani Avannarlerni Isumaginninnikkut sillimmasiisarnikkut Aalajangersakkat pinnagit saniatigut kr. 200.000-t sinnerlugit isertitaqarsimanngikkaani (Tabeli 3)

4) kr. 56.000 kisermaanut pensionisianut tapit (Tabeli 4)

Imm. 3. Pensionisiat annaaneqartarput imatut isertitaqaraani:

1) kr. 340.911 utoqqalinersiat toqqammavii (Tabeli 1)

2) kr. 220.667 aappariit pensioninut tapii (Tabeli 2)

- 3) Pensionisiat tapiannut utoqqalilluni pensionisialinnut aappaqarlutik inooqateqartunut, taannalu pensionisiaqarsinnaanngippat, taavalu utoqqalineri pensionisiat aammalu Nunani Avannarlerni Isumaginninnikkut sillimmasiisarneq pillugu Isumaqatigiissutit pinnagit allatigut isertitaat kr. 200.000-t qaangersimanngippatigut (Takuss. 3).
- 4) kr. 221.111-t kisermaanut pensionisianut tapit (Takuss. 4).

Imm. 4. Utoqqalineri pensionisiaqalernissap akuersissutigineranut tunngatillugu pisartagassaq naatsorsorneqassaaq, tamatumani pineqartup piffissami aggersumi isertitarisassai toqqammavigalugit. Pensionisiat siullermeersumik tunniunneqarnerannit aammalu ukiup tulliuuttup naanissaata tungaanut isertitarisassatut ukiumut ataatsimut naatsorsorlugit qaammatikkaartumik pensionisiassat annertussusilerneqassapput.

Imm. 5. Pensionisiassat annertussusaat aaqqiivigineqartassapput ukiut tamaasa 1. januar-imit, tamatumani ukiup siuliani isertitarisimasatut ilisimaneqartut toqqammavigalugit annertussusilerneqartassallutik. Ukiup ingerlanerani malunnaatilimmik isertitatigut allannguisoqarsimassappat, pensionisiassat aaqqiivigineqassapput, tamannalu atuutilersinneqassalluni qaammatip tulliuuttup aallaqqaataanniit.

§ 4. Utoqqalineri pensionisiallip sivisunerusumik angerlarsimaffiup avataanni najugaqarneratigut, soorlu ulloq unnuarlu angerlarsimaffimmi il.il., tamatumani pisortat aningaasartuuteqartuusimappata, qaammammi pineqartumi tulliuuttumilu utoqqalineri pensionisiat allanngortinneqassanngillat. Tamatuma kingorna pensionisiassat toqqammaviusut aammalu pensionisiaqartup pisartagarisimaasa 46%-ii tunniunneqartalissallutik.

imm. 2. Aappariit arlaat isumaginninnikkut ulloq unnuarlu angerlarsimaffimmut nuussimassappat, taava kiserngoruttoq pensionisialittut kisermaatut naatsorsuutigineqalissaaq.

§ 5. Meeqqanut tapisiat Ilaqutariinnermut, Naligiissitaanermut Isumaginninnermullu Naalackersuisoqarfimmit isumaginninnikkut aningaasaliissutaasartut pillugit nalunaarusiornikkut annertussusaat ilisimatitsissutigineqartassapput.

§ 6. Nalunaarut manna 1. januar 2016-mit atuutilersinneqassaaq. Tamatuma kingunerisaanik akit isertitatigullu killiliussat pillugit nalunaarut nr. 279, 1. januar 2015-meersoq atorunnaarsinneqassalluni.

Ilaqutariinnermut, Naligiissitaanermut Isumaginninnermullu Naalackersuisoqarfik, ulloq 30.12.2015

Helle Hansen

Julie Præst Wilche

Ilanngussaq: Pensionisiat annertussusaanut takussutissiat